

NOTITIA
PATRIARCHATVS
ANTIOCHENI.
SYRIA PRIMA.

ANTIOCHIA Ptolem. lib. 5. cap. 15. quæ & Theopolis super Orontis Flu. nomen antiquum retinet apud nostros Europæos, apud Turcas verò *Antacchia* dicitur, teste Leunclauio. *Eustathius* huius Episcopus subscripsit Concilio Nicæno 1. & *Maximus* Episcopus Magnæ ciuitatis Antiochiæ in actis Concilij Chalcedonensis dicitur.

SELEVCIA Pieria dicta Ptolemæo ibid. ad Ostia Orontis Flu. sita, vulgò *Soldin* Nigro, & *Seleuche* Ielber. *Gerunthius* huius Episcopus subscripsit epist. Synod. primæ Syriæ ad Leonem Imperatorem.

BERROEA Ptol. ibid. vulgò *Aleppo* teste Zonara, Cedreno & alijs. *Theo-sistus* Episcopus Berroæ est in eadem epistola.

CHALCIS Chalcidicæ regionis caput, Ptol. ibid. vulgò *Chinserim* teste Leon. Episcopo Sidon. *Domnus* huius Episcopus in eadem legitur epist.

ONOSARTA Syriæ primæ vrbs lib. Concil. cuius Episcopus *Cyrus* subscripsit eidem epistolæ.

GABBVS lib. Concil. *Gabba* Plinio lib. 12. cap. 17. *Petri* huius Episcopi mentio fit in eadem epistola.

SYRIA II.

APAMEA ad Orontem Ptolemæo lib. 5. cap. 15. vulgò *Hamous* Bellonio, *Hama* Leunclauio, & alijs *Haman*. *Domnus* huius Episcopus subscripsit Concilio Chalcedonensi, & *Thomas* Apamenorum Metropolis ciuitatis Præsul est in actis Conc. generalis quinti.

ARETHVSA Notitiæ antiquæ Græcæ. *Fornaculam* hodie dici ferunt. *Eusebius* huius Episcopus subscripsit epistolæ Synod. Syriæ secundæ ad Leonem Imperatorem.

EPIPHANIA Ptolem. vbi supra, vulgò *Mapia* teste Cuspiniano, Nigro verò *Aman*. *Epiphanius* huius Episcopus ibidem nominatur.

LARISSA Ptolemæo ibid. adhuc *Laris* dicta teste Leon. Sidon. *Diogenes* huius Episcopus in eadem epistola dicitur.

MARIAMA Ptolemæo ibid. *Magnus* huius Episcopus in eadem epistola legitur.

RAPHANEA Ptolem. ibid. *Lampadium* Raphanæ Præsulem habet Concilium Chalcedonense.

SELEVCIA penes Belum Ptol. ibid. Seleucobelus Straboni, vulgò *Di-merigi*. *Elias* Seleuciæ Antistes dictæ epistolæ Synod. subscripsit.